

CARMELITA HAYNES HONRA COMO MIHOR ARBITRO DI CAMPEONATO LATINO AMERICANO



ORANJESTAD (AAN): Aruba un biaha mas por ta hopi orgulloso, un arbitro dama cu pa prome biaha den campeonato Latinoamericano ta empaya, a ser honra como mihor arbitro di e XXIX Campeonato Latinoamericano di baseball cu a tuma lugar na Maracaibo, Venezuela. Carmelita Haynes.

Carmelita a ricibi e plakaat cu ta bisa "XXIX Campeonato Latinoamericano de beisbol de pequeñas ligas Division Infantil.

Carmelita Haynes representante de Aruba considera como arbitro mas destacado de este evento deportivo internacional celebrado en Maracaibo 28 julio- 5 agosto 95.

Felicitaciones por el Comité Organizador, Ing. Jose H. Ferrer Gonzalez presidente, Ing. Gilberto Ocano Yamarte Director General.

Maracaibo 5 agosto.

Carmelita Haynes a nace dia 24-3-56 na Aruba, y tambe a bishita school na Aruba, a cuminza hunga softball cu edad di 19 año, y tin 20 año den softball.

Na año 1988 Carmelita a cuminza empaya den Little League, Senior, Juvenil y "AA" algun wega.

Segun Carmelita a bisa re-

portero/fotografo di Diario ta prome biaha cu ela empaya wega internacional, na Aruba Carmelita a empaya den weganan juvenil internacional teni na Aruba.

Na Maracaibo, durante e weganan di campeonato Latinoamericano, Carmelita a demostra habilidad, capacidad riba tereno, Aruba a por a mira na Television actuacion di umpire Carmelita Haynes.

E capacidad di Carmelita tabata su educacion, ela bishita APA, cu despues a bira IPA gradua como maestra di school, ya pa 18 año. Carmelita no tabatin problema den e weganan, e por a domina papiamento, ingles, spaño y hulandes.

Door di inteligencia riba tereno Carmelita a ser nombra como e arbitro cu a destaca.

Segun Carmelita Haynes elo tuma un curso na Williamsport, Pennsylvania, y e proximo campeonato mundial di little league Carmelita lo ta e prome dama y Aruba por ta hopi orgulloso pa empaya.

Diario Deporte ta felicita Carmelita Haynes cu a ser eligi como e mihor arbitro di XXIX Campeonato Latinoamericano na Maracaibo, Venezuela